



Aqqalu C. Jerimiassen

UPA 2023/63

Atassut

10. maj 2023

Inuit innarluutillit tapersorneqarnissaannut Inatsisartut Inatsisaata allanngortinneqarnernissaa siunertaralugu, Naalackersuisut Inatsisartut Inatsisaannik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut. Inatsimmik allanngortitsinermi angajoqqaat, angajoqqaatut sinnisut ilaqutariillu namminerisaminnik ikiorseqarnissamut pisinnaatitaanerat §8-mi allassimasunngortinneqassaaq. Inatsisartut Inatsisissaattut siunnersuut kingusinnerpaamik UPA2024-mi saqqummiunneqassaaq.

(Inatsisartunut ilaasortaq Agathe Fontain, Inuit Ataqtigiit)

Inuit innarluutillit ikiorneqartarnissaannut pisussaaffippat politikkikkut qaqugukkulluunniit qimarratigisinnaanngilluinnarparput, uanilu suleriaatsit nalinginnaasut malillugit, inuk pineqartoq tamatigut taamaallaat aallaavigikkajupparput suleriarnialernermi.

Ajoraluartumillu eqqarsaatiginngitsoortarunnarsisatta ilangisaat tassaalluni, taanna inuk pineqartoq allatulli uattut ilittullu ilaqutaqarmat.

Innarluuteqarnerit assigiinngitsorpasuupput, ersittumiuppat ersinngitsumiuppalluunniit. Tassanilu ilaqutaasunut qanoq arlaatigut sunniuteqartarnerattaq ulluinnarni inuunerannut, ikiuunniansinnaanissarput politikkikkut pingaartuuvoq.

Nanertisimasinnaanermi toqqissisimanginnerup malittaanit pingortuusup, ulluinnarni inuunermt qanoq sunniuteqarsinnaatiginera eqqarsaatigisariaqarparput.

Siunnersuuteqartullu ugartugaanituut eqqarsassagaanni, §8-imi atuuttuusut toqqaannartumik malinneqarnissaanik ugartuisoq ersarippoq, tamannali Naalackersuisut saqqummiussisutaanni naggasiinermi allannguutissatut siunnersuuteqarfigineqartoq takuneqarsinnaavoq.

Tassami saqqummiussaqaartuusup ugartuineratuut, UPA2024-imi saqqummiussaqaqqusivoq, illuanilli takuneqarsinnaalluni Naalackersuisut allannguutissatut siunnersuusiorminni UPA2024-imik allassimatikkunnaarlugu 2024-iinnanngortierarlugu, §8-mi allassimasunngortitsinissaq peersimagaat takuneqarsinnaammat.

Taannalu Atassummiit apeqquernartoqartissinnaavarput, isumaqarlutalu siunnersuuteqartup qulequtsiussaa toqqaannartumik malikkaanni, akimmiffissat eqqarsaatigeqqaarnagit aqqiissutissamik siunnerfeqarpalaarnera tapersersornartuunerusoq.

Aqquerniassat ikaartarfiliasalluunniit utaqqissunneqarsinnaasarput, uanili inuit eqqartorpagut, tassa allaaneroqutaa.

Tassanilu inuit ulluinnarni atungaannut toqqaannartumik iluaqutaasussat eqqartorneqarmata immikkut utaqqissuttariaanngitsoq Atassummiit isumaqaratta.

Taamatut naatsukullammik Atassummiit oqaaseqaateqarluta, siunnersuuteqartup qulequtsiussaa taperserlugu Peqqissutsimut ataatsimiitsitaliamut innersuupparput.